
**KENYA NATIONAL EXAMINATION COUNCIL
REVISION MOCK EXAMS 2016
TOP NATIONAL SCHOOLS**

**BAHATI GIRLS HIGH SCHOOL
KISWAHILI
KARATASI YA 3**

SCHOOLS NET KENYA
Osiligi House, Opposite KCB, Ground Floor
Off Magadi Road, Ongata Rongai | Tel: 0711 88 22 27
E-mail: infosnkenya@gmail.com | Website: www.schoolsnetkenya.com

BAHATI GIRLS HIGH SCHOOL KCSE TRIAL AND PRACTICE EXAM 2016

102/3

FASIHI

KARATASI YA TATU

SEHEMU YA A: USHAIRI (SWALI LA LAZIMA)

(alama 20)

1. Soma shairi lifuatalo kisha ujibu maswali.

- 1) Nilifika Nairobi, jiji bora na mufti,
Palipojaa shababi, wazee na mabenati,
Nikasalimu kibibi, kanijibu eti fiti!
Vijana na mabenati, kipi Kiswahili hiki?
- 2) Kibibi kasonga kwangu, nimpe kiti asiti,
Nikaona mbele yangu, kwa mapozi kajiseti,
Sikupatwa na uchungu, wala chembe kibuhuti,
Vijana na mabenati, kipi Kiswahili hiki?
- 3) Kumwuliza wenda wapi, kanijibu marikiti,
Kwenye kazi au vipi, jibu lake nina deti,
Ana majibu mafupi, na taimu hawesti,
Vijana na mabenati, kipi Kiswahili hiki?
- 4) Mtu huyu hushangaza, lugha yake sijageti,
Hataki kunisikiza, ati mimi sina senti,
Bila doo aeleza, yu tayari kunibuti,
Vijana na mabenati, kipi Kiswahili hiki?
- 5) Punde dakika kidogo, nikaanza utafiti,
Naona ana mikogo, na haogopi umati,
Hawataki wa ushago, wenye koti bila noti.
Vijana na mabenati, kipi Kiswahili hiki?
- 6) Ni kibibi maridadi, ila mambo tofauti,
Asema mboga si fudi, bwana kunipa donti,
Chuma mobu sina budi, kujaza langu poketi

Vijana na mabenati, kipi Kiswahili hiki?

- 7) Ana fujo hatulii, sijaonapo laiti,
Arifu hunibalii, kamsosi hata switi,
Ebu acha uchalii! Huji homu kwa kufuti,
Vijana na mabenati, kipi Kiswahili hiki?
- 8) Na kutaka kualee, akawasha sigareti,
Hamuogopi madhee, asije kumripoti,
Pegi mbele ya fadhee, mkali kama ghosti,
Vijana na mabenati, kipi Kiswahili hiki?
- 9) Alipozidi udhia, nikaanza kumsweti,
Naye akaniwevia, kuniona simfati,
Sistee kaingia, kwa motii kalosti,
Vijana na mabenati, kipi Kiswahili hiki?
- 10) Nikabaki kudangana, la kusema silipati,
Lugha zetu kulingana, hakuna japo katiti,
Ndipo hatukuelewana, hadi kuenda benati,
Vijana na mabenati, kipi Kiswahili hiki?
- 11) Kudadisi kwa makini, tabia na harakati,
Za vijana wa mjini, zina nyingi atiati,
Tafadhali jikanyeni, ni huu ndio wakati,
Vijana na mabenati, kipi Kiswahili hiki?
- 12) Hunishangaza jamani, tuelezane kwa dhati,
Nairobi mitaani, pa watu watanashati,
Panasemwa lugha gani, na kanuni haifati!
Vijana na mabenati, kipi Kiswahili hiki?

MASWALI

(a) Mtunzi wa shairi hili ana dhamira gani? (alama 2)

(b) Taja na ueleze bahari mbili za shairi hili ukizingatia: (alama 4)

a. Vina

b. Vipande

(c) Kwa kutoa mfano mmoja mmoja, onyesha aina **mbili** za idhini ya kishairi katika shairi hili. (alama 4)

(d) Taja na ufafanue tamathali **mbili** za usemi zilizotumiwa katika shairi hili (alama 4)

(e) Andika ubeti wa kumi katika lugha nathari. (alama 4)

(f) Eleza maana ya msamiati ufuatao ulivyotumika. (alama 2)

(i) Shababi

(ii) Mikogo

SEHEMU YA B: RIWAYA – KIDAGAA KIMEMWOZEA – KEN WALIBORA

Jibu swali la 2 au 3

2. “Wema wako umeniua kabisa. Kuna mahakama ndani ya moyo wangu nanakojishtaki mwenyewe....”

(a) Eleza muktadha wa maneno haya. (alama 4)

(b) Taja na ueleze tamathali mbili zilizotumiwa kwenye muktadha huu. (alama 4)

(c) Ukirejelea Riwaya nzima, jadili makosa ambayo mnenaji wa maneno haya anajishtaki kwayo. (alama 12)

3. “Amani ni mhusika anayestahili kuigwa katika jamii.” Thibitisha ukweli wa kauli hii ukirejelea Riwaya ya Kidagaa Kimemwozea. (alama 20)

SEHEMU C: TAMTHILIA

MSTAHIKI MEYA (TIMOTHY M. AREGE)

Jibu swali la 4 au 5

4. “Tunaweza kutangaza katika vyombo vya habari. Watu wengi huko nje wana njaa.”

a) Eleza muktadha wa dondoo hili. (alama 4)

b) Fafanua sifa **mbili** za mzungumzaji wa dondoo hili. (alama 2)

c) “Hali inayoipata Cheneo katika muktadha ambambo dondoo hili limekitwa ni msiba wa kujitakia.” Thibitisha. (alama 14)

5. Anwani ‘Mstahiki Meya’ ni kinaya. Jadili. (alama 20)

SEHEMU YA D: HADITHI FUPI.

K. Walibora na S.A. Mohammed - Damu Nyeusi na Hadithi Nyingine.

Jibu swali la 6 au la 7

“Damu Nyeusi” (K. Walibora)

6. “Waafrika hupitia matatizo mbalimbali wakiwa masomoni ughaibuni.” Jadili. (alama 20)

au

“Ndoa ya Samani” (Omar Babu)

7. “Hapa huingii bila kunionyesha mkono.”

(a) Fafanua muktadha wa dondoo hili. (alama 4)

(b) Eleza sifa mbili za msemaji katika dondoo hili. (alama 4)

(c) Jadili maudhui sita yanayojitokeza katika hadithi hii. (alama 12)

SEHEMU YA E: FASIHI SIMULIZI

2.

(a) Eleza sifa tano bainifu za fasihi simulizi. (alama 5)

(b) Taja njia mbili za kisasa za kuhifadhi fasihi simulizi. (alama 2)

(c) (i) Eleza sifa za misimu. (alama 7)

(ii) Taja njia mbalimbali za kuunda misimu katika jamii. (alama 6)